

Bosna i Hercegovina  
Federacija Bosne i Hercegovine  
Kanton Sarajevo  
Općina Centar  
**JU OŠ "MUSA ĆAZIM ĆATIĆ" SARAJEVO**  
**Ul. Čekaluša br. 53**  
**www.osmccsa.edu.ba**

Na osnovu člana 88. i 94. Zakona o osnovnom odgoju i obrazovanju KS (Sl. novine KS br: 23/17, 33/17, 30/19, 34/20, 33/21), člana 105. Pravila JU OŠ „Musa Ćazim Ćatić“ Sarajevo, člana 4., 5. i 6. Pravilnika s kriterijima za prijem radnika u radni odnos u osnovnim školama kao javnim ustanovama na području KS (Sl. novine KS br: 12/22 i 22/22), Saglasnosti Ministarstva za odgoj i obrazovanje KS br: 11-11-30-15567-5/22 od 07.09.2022. godine i Odluke Školskog odbora JU OŠ "Musa Ćazim Ćatić" Sarajevo br: 03-739/22 od 06.10.2022. godine, raspisuje se

## **JAVNI KONKURS**

**za popunu upražnjenih radnih mjesta u školskoj 2022/23. godini**

1. Nastavnik njemačkog jezika, 1 izvršilac, 10 časova sedmično, na određeno vrijeme od okončanja konkursne procedure do povratka radnika sa neplaćenog odsustva, a najkasnije do 22.08.2023. godine
2. Nastavnik likovne kulture, 1 izvršilac, 9 časova sedmično, na određeno vrijeme od okončanja konkursne procedure do 31.08.2023. godine.

### **OPIS POSLOVA I POTREBNI USLOVI KOJIMA SE REGULIŠE SISTEMATIZACIJA RADNIH MJESTA**

Poslovi navedenih radnih mjesta obavljaju se u skladu sa odredbama Zakona o osnovnom odgoju i obrazovanju, Nastavnog plana i programa za osnovnu školu, Pedagoških standarda i općih normative za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu, Godišnjeg programa rada škole, Pravilnika o radu škole, te drugih relevantnih propisa.

Radnici navedenih radnih mjesta obavljaju poslove utvrđene Pedagoškim standardima i općim normativima za osnovni odgoj i obrazovanje i normativima radnog prostora, opreme, nastavnih sredstava i učila po predmetima za osnovnu školu:

- neposredni odgojno-obrazovni rad (redovna nastava prema NPiP)
- pregled pismenih zadataka i programom predviđenih kontrolnih i grafičkih radova,
- ostali oblici neposrednog odgojno-obrazovnog rada (razredništvo, dopunska, dodatna, fakultativna nastava, slobodne aktivnosti, terenska/inovativna nastava)
- pripremanje za neposredno odgojno-obrazovni rad
- ostali poslovi:
  - a) stručno usavršavanje
  - b) rad u stručnim organima
  - c) saradnja sa roditeljima
  - d) rad na pedagoškoj dokumentaciji
  - e) rad na pedagoškoj elektronskoj dokumentaciji
  - f) dežurstvo
  - g) konsultacije sa učenicima (ukoliko se realiziraju u posebnom terminu van redovne

nastave)

h) vođenje stručnog aktiva

i) rad u komisiji koju imenuju stručni organi škole

j) rad u komisiji koju imenuje Školski odbor

k) priprema i izvođenje terenske nastave

l) posjete kulturnim i javnim ustanovama kao i kulturno-historijskim spomenicima

m) ostali poslovi po nalogu direktora škole.

#### **POSEBNI USLOVI ZA ZASNINIVANJE RADNOG ODNOSA**

Pored općih uslova utvrđenih Zakonom o radu (Sl. novine Federacije BiH br. 26/16, 89/18, 44/22) za zasnivanje radnog odnosa, kandidati treba da ispunjavaju i posebne uslove predviđene Zakonom, NPP-om, Pedagoškim standardima i Pravilnikom o radu škole, uz primjenu Pravilnika s kriterijima zaprijem radnika u radni odnos osnovnim školama kao javnim ustanovama na području Kanton Sarajevo (Sl. novine KS broj: 12/22 i 22/22) i to:

#### **Uslovi za radno mjesto pod redni broj 1. su:**

VSS – VII stepen

Filozofski fakultet - dipl. prof stranog jezika/završen I ciklus u trajanju od najmanje tri odnosno četiri godine, sa akademskom titulom i stručnim zvanjem bachelor/završen II ciklus sa akademskom titulom i stručnim zvanjem magistar/završen III ciklus studija i naučnim zvanjem doktor nauka

Položen stručni ispit.

#### **Uslovi za radno mjesto redni broj 2. su:**

VSS – VII stepen stručne spreme

Akademija likovnih umjetnosti – nastavnički smjer

Akademija likovnih umjetnosti nekog drugog smjera sa položenom psihološko-pedagoškom grupom predmeta/završen I ciklus studija po bolonjskom sistemu studiranja sa stručnim zvanjem bachelor likovnih umjetnosti – edukacija likovnih umjetnosti, završen II ciklus studija sa stručnim zvanjem magistar likovnih umjetnosti – edukacija likovnih umjetnosti.

Položen stručni ispit.

#### **MJESTO OBAVLJANJA RADA**

Mjesto obavljanja rada je na adresi JU OŠ „Musa Ćazim Ćatić“ Sarajevo, Ul. Čekaluša br. 53, 71000 Sarajevo.

#### **RADNO VRIJEME**

Radno vrijeme za navedena radna mjesta ostvaruje se zavisno od rasporeda časova u školskoj 2022/23. godini i traje u dužine radnog vremena utvrđenog prijavom na PIO, Kolektivnim ugovorom, Pravilnikom o radu i ugovorom o radu.

#### **OSNOVNA PLAĆA**

Osnovna plaća radnika za tražena radna mjesta iznosi 1.306,80 KM, a tačan iznos zavisi od stručnog zvanja radnika.

#### **DOKUMENTACIJA KOJA SE PODNOSI UZ PRIJAVU**

Uz prijavu na javni konkurs, kandidati su dužni dostaviti:

##### **1. OBAVEZNA DOKUMENTACIJA (kopije):**

a) svojeručno potpisanu pisanu prijavu na konkurs sa kratkom biografijom, tačnu naznaku na koju poziciju konkuriše i tačno navedenom dokumentacijom koja se prilaže uz prijavu, kontakt podacima kandidata (adresa, broj telefona, e-mail adresa)

b) diploma/uvjerenje/svjedodžba o stečenoj stručnoj spremi ili akademskom zvanju,

c) izvod iz matične knjige rođenih,

d) uvjerenje o državljanstvu (ne starije od 6 mjeseci)

e) svojeručno potpisana saglasnost o dostavljanju preliminarnih odluka iz člana 19. Pravilnika elektronskom poštom na adresu koju je kandidat naveo u prijavi za javni konkurs, a čiji obrazac je dat u prilogu

f) druge dokaze o ispunjavanju uslova za to radno mjesto, a koji su navedeni u javnom konkursu.

## **2. DODATNA DOKUMENTACIJA (kopije):**

a) uvjerenje/potvrdu o radnom stažu sa tačno naznačenim poslovima i radnim zadacima (šifra zanimanja) koje izdaje Fond za penzijsko-invalidsko osiguranje za kriterije iz člana 9. stav (1) i (5) Pravilnika sa izuzetkom bodovanja radnog staža stečenog na poslovima nastavnika u produženom i cjelodnevnom boravku redovne osnovne škole i poslovima asistenta u ustanovi, koje se vrši na osnovu potvrde/uvjerenja poslodavca kod kojeg je kandidat radio,

b) uvjerenje/potvrda poslodavca o vremenu provedenom na stručnom osposobljavanju u ustanovi za kriterije iz člana 9. stav (2) i (6) Pravilnika,

c) uvjerenje/potvrda o ostvarenom radnom stažu kod poslodavca kod kojeg je kandidat radio sa naznačenim poslovima i radnim zadacima koje je kandidat obavljao,

d) uvjerenje o položenom stručnom ispitu,

e) potvrdu/uvjerenje o vremenu provedenom na evidenciji Službe za zapošljavanje Kantona Sarajevo (ne stariju od 3 mjeseca),

f) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,

g) diploma/uvjerenje o stečenom akademskom zvanju,

h) potvrda o posebnom priznanju UNSA,

i) uvjerenje/rješenje nadležnih organa o pripadnosti boračkoj populaciji i to:

- uvjerenje o statusu djeteta šehida – poginulog boraca i nestalog branioca

- rješenje o priznatom pravu na porodičnu invalidninu za suprugu šehida – poginulog borca, umrlog i nestalog branioca i uvjerenje o učešću u oružanim snagama za šehida/poginulog, umrlog i nestalog branioca, rješenje o priznatom svojstvu ratnog vojnika invalida

- dokaz o bračnoj zajednici sa ratnim vojnim invalidom

- rješenje o priznatom pravu na mjesečno novčano primanje dobitnika priznanja

- uvjerenje o učešću u oružanim snagama

- uvjerenje o statusu djeteta ratnog vojnika invalida

- rješenje o priznatom pravu na invalidninu ili mjesečni novčani dodatak ili uvjerenje o

učešću u oružanim snagama koje izdaje općinska služba za boračko-invalidsku zaštitu odnosno grupa za pitanja evidencije iz oblasti vojne obaveze prema mjestu prebivališta, ne starije od 6 mjeseci

j) uvjerenje/potvrdu o neprekidnom prebivalištu na području KS u posljednja 24 mjeseca (ne starije od 6 mjeseci).

Prijava kandidata koji nije dostavio dodatnu dokumentaciju smatrat će se urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Nakon bodovanja iz člana 9., 10., 11., 12. i 13. Pravilnika na osnovu općih i posebnih kriterija, na ukupan broj prethodno ostvarenih bodova, u zavisnosti o pripadnosti boračkoj populaciji (borci – branitelji BiH i članovi njihovih porodica) dodaju se bodovi kako je to propisao Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo i općinama KS i Gradu Sarajevo (Sl. novine KS br. 37/20 i 27/21).

Dodatni bodovi iz prethodnog stava računaju se u skladu sa Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje

branilaca i članova njihovih porodica u institucijama u Kantonu Sarajevo, Gradu Sarajevo i općinama u KS (Sl. novine KS br: 38/20 i 28/21).

**ADRESA NA KOJU SE PRIJAVE PODNOSE I NAČIN PREDAJE DOKUMENTACIJE**

Prijave sa dokazima o ispunjavanju uslova za konkurs dostaviti lično na protokol Škole ili preporučeno poštom u zatvorenoj kovrti na adresu: JU OŠ „Musa Ćazim Ćatić“ Sarajevo, Ul. Čekaluša br. 53, 71000 Sarajevo – sa naznakom – „**Prijava na javni konkurs na poziciju (navesti ime i prezime kandidata, adresu i poziciju/e za koju/e je raspisan javni konkurs) NE OTVARAJ – OTVARA KOMISIJA**“

Poželjno je da kandidati dokumentaciju dostavljaju u fotokopijama, jer se nakon okončanja javnog konkursa ista neće vraćati na adresu. Dokumentacija prijavljenih kandidata, koji nisu izabrani po ovom konkursu, vraća se na lični zahtjev predat na protokolu škole, u roku od mjesec dana od okončanja konkursne procedure.

Nepotpune, neblagovremene i neuredne prijave neće se uzeti u razmatranje.

Kandidat, koji bude primljen po konkursu, obavezan je dostaviti originalnu dokumentaciju ili ovjerene kopije najkasnije 5 (pet) dana po dobijanju konačne Odluke o izboru radnika.

Nakon konačnosti Odluke o izboru radnika iz člana 19. stav (8) odnosno člana 20. stav (6) Pravilnika, a najkasnije na dan početka rada u školi, izabrani kandidat je dužan dostaviti ljekarsko uvjerenje nadležne zdravstvene ustanove, ne starije od šest mjeseci, kao i drugu dokumentaciju u skladu sa zakonom i internim aktima Škole, nakon čega direktor zaključuje ugovor o radu sa izabranim kandidatom.

Obavještenje o raspisanom konkursu objavljeno je u dnevnim novinama „Oslobođenje“ dana 10.10.2022. godine, a kompletan tekst konkursa objavljen je na službenoj internet stranici JU OŠ „Musa Ćazim Ćatić“ Sarajevo, Ministarstva za odgoj i obrazovanje KS i JU „Služba za zapošljavanje KS“, te Ureda za korupciju i upravljanje kvalitetom KS.

Rok za prijavu na Javni konkurs je 10 (deset) dana od dana objave Obavještenja o raspisanom konkursu u dnevnim novinama „Oslobođenje“ i krajnji rok za prijavu je 20.10.2022. godine.

**PRILOG:**

**Saglasnost za dostavljanje preliminarnih odluka**

Na osnovu člana 19. Pravilnika s kriterijima za prijem radnika u radni odnos u osnovnim školama kao javnim ustanovama na području Kantona Sarajevo (Službene novine KS br. 12/22), saglasan/na sam da mi se preliminarne odluke dostavljaju elektronskom poštom na adresu koju sam naveo/la u prijavi na javni konkurs.

U \_\_\_\_\_, dana \_\_\_\_ . \_\_\_\_ . 2022. godine

Kandidat/kandidatkinja \_\_\_\_\_